



ЛЕЗГИ ГАЗЕТ

Жуван Ватан, ватанэгълияр, дидед чІал хуьх!

1920 – йисалай акъатзава

N 24 (10929) хемис 11 – июнь, 2020 – йис WWW.LEZGIGAZET.RU

Къимет “Дагпечатдин” киоскрай - 16 манат

Подписка

2020-ЙИСАН II-ПАЙ ПАТАЛ ГАЗЕТ КХЪИХЬ!
газетдин сайт: lezgigazet.ru

+7 989 653 42 35

@lezigazet

e-mail: lezgiGazet@yandex.ru

Индекс:

йисанди - 63249

ГАЗЕТДАЙ

ЛЕЗГИЙРИН ТАРИХДИЗ, ЧІАЛАЗ

«ЛЕЗГИ ГАЗЕТ» КХЪИХЬ!

МЕДЕНИЯТДИЗ, ДИНДИЗ ТАЛУКЪ
ВА МАСА ХАБАРАР
КІЕЛИЗ ЖЕДА

КУЪ ФИКИРДИЗ!

Газет кхьинин патахъай сулар хъайтІа,
8928-584-16-72
нумрадиз зенг ая.

КХЪИДАЙ КЪИМЕТ:

Почтадин отделенийрай:
ругуд вацра - 458 м.

«Дагпечатдин» киоскрай:
ругуд вацра - 228 м.

Редакциядай:
ругуд вацра - 162 м.

Нумрадай клела:

УЪМУЪР

Игитдикай ктаб акъудда

“Зейнудин Батманов - Россиядин Федерациядин Игит” ктаб чапдиз РД-дин милли сиясатдин ва динрин крарин рекъай министерстводин куьмекдалди Кеферптан Кавказдин Исламдин ахтармишунрин центради гъазурзава.

► 4

“ЛЕЗГИ ГАЗЕТДИН” - 100 ЙИС

Милли журналистика:

“Коммунист”

Гьихътинди тир И.Ж.Апаеван девирда “Коммунист” газет? Чна виликдайни къейдна: “Коммунистдикай” чи халкъдин гъакъикъи къазьриманвиллин, зегъметкешвиллин, дуствилинни къанажагълувиллин руьгъ къалурзавай гуьзгъу, халкъ чІехи гъунаррал ашкъиламишзавай къетІен къуеват хъайиди адан подшивкайра, къилди-къилдин нумрайра къекъевейлани чир жезва.

► 5

АХЛАКЪ

Тербиядин гафар

Чи мурад клелзавайдан фикир тербиядин къилдин гафарал желб авун я. И жигъетдай фикир гана веревирд авурла, лезги чІалан лексикада тербия гудай гафари еке чка къазва ва абур тербиядин саки вири терефар къалурзавай къилдин клватІаприз чара жезва.

► 6

ЭКОНОМИКА

Берекат хкъезва

Шаз чи хилехъанри чпин саки 130 тонн вижевай сар кило 10-15 манатдай маса гана (им зегъметдин гъакъи туш), чандилай ахлудна. Хамар саки гъакІ гадарзава, нек ахъадай кас амач. Хипер анжах са як патал хуьзва лагъайтІа жеда.

► 7

САГЪЛАМВАЛ

Къуруш: тІугъвалдихъ галаз женг

Чаз, медицинадин къуллугъчийриз, исятда виридалайни гзаф четинзава. Хаталуди тир чІийи коронавирсдин азар гегъеншидиз чиклиз эгечІайла, республикадин гзаф маса медицинадин идараяр хъиз, чи участковый азарханани жуь хуьн патал герек тир такъатралди таъмин тушир.

► 9

ХАБАРАР

Зегъметдин къадир чиз...

Алай вахтунда Самир Ризвановича Новочеркасскдин ГРЭС-да ругуд лагъай дережадин разряд авай инженер яз “Машинист-обходчик котельного оборудования” къуллугъдал зегъмет чІугъзава. Им лап жавабдар кІвалах я, Самир къеве блокдин ва “ТПП-100” жуьредин котелдин кІвалахрин патахъай жаваб гузвай пешекар я.

► 12

Мегъамед ИБРАГЪИМОВ,
“Лезги газетдин” къилин редактор

Коронавирсди хейлин крариз, гьерекариз, вакъийариз манивал гана. ТІугъвал себеб яз гзаф къадар мярекатар акъвазарна, гъиле къунвай пара кІвалахар да-вамардай мумкинвал хъъанач. Са га-фуналди, инсаниятдин уьмуьрда гъич виливни хуьн тавур дегишвилер туна и тІегъунди.

Гъилевай йисан эвел къийлай “Лезги газетдин” редакциядин коллективдини йисан къене тухвана, тамамарна кланзавай мярекатрин, серенжемрин, кІвалахрин план туйкъурнавай. 2020-йис газет патал юбилейдинди тирвилей къайгъуярни пара авай. Гъайиф хъи, вири месэляяр вахтуналди акъваз хъана. Газетдин 100 йисан юбилейдиз талуькарнавай чІехи мярекат Махачкъалада сентябрдин вацра къиле тухуда лагъана фикирдиз къачунвай. Арадал атанвай гъаларихъ галаз алакъалу яз, юбилейдин мярекат тухудай вахтин дегиш хуьн мумкин я. Гъелелиг тайинвал авач.

Духтурар, къанун-къайда хуьдай органрин векилар, недай-хъвадай суьрсетралди таъминардай карханайра зегъмет чІугъвазвайбур ва хейлин масабур хъиз, журналистарни тІегъундин шартІара чпин везифаяр гъакъисагъвилелди къилиз акъудиз чалишмиш жезва. Югъ-йиф, кІвалахдай югъ, ял ядай югъ талгъуз, агъалий-рив хабарар агакъарзава, дуьньяда, уьлкведа къиле физвай вакъийарикай малуматар гузва. И жигъетдай “Лезги газетдин” клелзавайбурун арада къилин хабар-

дардин чка къунва. Интернетдикай мен-фят къачуз тежезвайбуруз (ахътинбур лагъайтІа, дагълух хуьрера гзаф ава) эхиримжи хабарар багъри газетдай чир жезва. Интернет ишлемишзавай ватангълийрин къуллугъда лагъайтІа, “Лезги газетдин” сайтни, Инстаграмда авай махсус аккаунтни акъвазнава. Интернетдин майданра хайи чІалал хабарар чуькуринин жигъетдай чна маса соцсетрани датІана кІвалах тухузва.


Къейд авун лазим я, мукъвара РД-дин Къилин ва Гъукматдин Администрациядин информациядин сиясатдин Управлениди къиле тухвай ахтармишунри тестикъ авурвал, “Лезги газетдин” сайтдинни Инстаграмда авай махсус аккаунтдин кІвалах са бязи терефрай гъатта федеральный СМИ-рин жергейра гъатнава. Ихътин агалкъунар “Лезги газетдилей” гъейри, республикадин государстводин маса са изданидихъни хъанвач. Газетдин печатдин вариантдикай рахайтІа, и жигъетдайни чун садалайни къуллухъ галач: гъам ерилу макъалайрал, гъамни тираждал гъалтайла, чун вилик жергейра ава. ИкІ тирдан гъакъиндай къилин редакторрин иштираквал аваз къиле тухузвай совещанийрал, элкъвей стопрал ва маса мярекатрал гзафбуру лугъузва ва “Лезги газет” гъамиша амайбуруз чешне яз гъизва. Авайвал лугъун, ахътин мярекатрал чи газетдикай гаф кватайла, сифтени-сифте лезги халкъдин тІварцІихъ хуш келимаяр лугъузва. “Лезгийр гъамиша клел-кхьинал машгъул, савадлу халкъ я”, - тестикъарзава маса миллетрин векилар.

Гъуьрметлу ватангълияр! Къез акъваз-вайвал, редакциядин къуллугъчийри хайи миллетдин тІвар алай газетдин дережа

виниз акъудун патал датІана чалишмишвал артухарзава, гъатта тІугъвалдин шартІара коллективдин къадар (редакциядин са десте къуллугъчийр Роспотребнадзордин истемешунар себеб яз кІвалахал текъвез са шумуд варз я) тІимил хъуниқди, чи кІвалахдин ери агъуз аватнач. Алай вахтунда редакцияда зегъмет чІугъвазвай са кІапал ксарни, вири къуватар садна, вахт-вахтунда хайи халкъдив руьгъдин ем - багъри газет агакъарзава. И карда чак руьгъ кутазвайбуру куьн я, гъуьрметлу ватангълияр. Вучиз лагъайтІа, тираждал гъалтайла, “Лезги газет” Дагъустандин государстводин СМИ-рин арада 1-чкадал ала. Газетдин сайтдиз йикъан къене, юкъван гъисабдалди, 10-15 агъзур кас гъахъзава. Ватангълияр багъри газетдив эгечІзавай тегъер акурла, редакциядин векиларни абуруз генани гъакъисагъдиз къуллугъ ийиз алахъзава.

Лагъана кланда, исятда редакциядин вилик кар алай месэлайрикай сад акъвазнава: амни газет кхьиниз (подпискадиз) талуькди я. Гъелбетда, алай вахтунда гзафбуру четинвилерал ацалтнавайдакай чаз хабар я. ЯтІани, тІугъвалдин шартІара “Лезги газетдин” тираж агъуз ават тийидайдак чна умудар кутазава. Гъамиша хъиз, чна, сифте нубатда, къадирлу, баркаллу лезги халкъди - хайи чІалахъ, милли газетдихъ рикІ кузвай ватанпересри газетдин тираждин дережа хуьдайдахъ инанмишвалзава. Гъелбетда, газетдин тираж виниз акъудун чи районар къиле тухузвай кІвалахдилайни гзаф аслу я. Чаз малум тирвал, подписка тешкилуник районрин руководствомири, чкайрал кардик квай

► 2



Игитдикай ктаб акъудда

Агьмед МАГЪМУДОВ

Алай йисуз Махачкъалада Урусатдин Игит Зейнудин Батманован уьмуьрдикай ва кьегьалвилкай кхьенвай ктаб чапдай акъатда. Идакай "Лезги газетдиз" Кеферпатан Кавказдин Исламдин ахтармишунрин центрадин директор Руслан Герева хабар гана.

Р.Гереван гафаралди, лезги халкъдин кьегьал хчин игитвилкай вири уьлкведиз хабар хьанва. Къанлуьрин вилик Зейнудин Батманова къалурвай виклеговал акъалтзавай несилар патал ватанпересвилдин чешмедиз элкьвенва.

Къейд ийин хьи, "Зейнудин Батманов - Россиядин Федерациядин Игит" ктаб чапдиз РД-дин милли сиясатдин ва динрин крарин рекъай министерстводин куьмекдалди Кеферпатан Кавказдин Исламдин ахтармишунрин центради гъазурзава.

"Цийи ктабда адетдин инсандин, жергедин дагъустанвидин, хъсан, къени, гъамиша куьмек гуз гъазур дустунин, къуд аялдин буьбадин кьисметдикай ихтилатзава. Ярар-дустари, санал квалалахай юлдашри, мукьва-къилийри, хуьруьнвийри Зейнудин Батманов дистрибаш, акъалтлай къени къилихар авай инсан яз риклел хкизва", - лугъузва ктабдин автор Руслан Герева.

Игитдикай кхьенвай ктаб чапдай акъудун Зейнудин Батманован экуь къамат халкъди риклера хуьзвайди къалурзавай лишанрикай сад я. Адакай мектебда клелзавай аялривай, студентривай, аспирантривай, муаллимривай, акъалтзавай несилдиз ватанпересвилдин, инсанпересвилдин тербия гунин месалайрал машгул жезвай идарайривай менфят къачуз жеда. Ктабда шиклар, архивриз талукь документар, сиясатдинни жемиятдин векилри, депутатри, министрри, районрин, шегьеррин килери Зейнудин Батмановакай лагъанвай фикирар, риклел хкунар гъатда.

Рангарин сирер чидайди

Эминат ЗАГЪИРБЕКОВА

31-майдиз "Вад лагъай каналдин" ("Пятый канал") сайтда онлайн къайдада кинодин ва телевиденидин продюсерин Ассоциациядин (АПКиТ) VIII премиядин лауреатрин тиварар къуна. Алай йисуз премиядин 22 номинациядин арада клвенквечи чкадал "Пугъвал" ("Эпидемия") сериал акъатна.



Шад жедай кар ам я хьи, проектда "Грим ягъунай виридалайни хъсан суьретчи" номинацияда иштиракйбурун арада 1-чка чи ватангълиди - Дербентдай тир (адан бинеяр Ахцегьрин хуьрйя я) Элина КЪАРАХА-НОВАДИ къуна.

Элина 1987-йисуз Дербентда дидедиз хъана. Шегьердин 3-нумрадин юкван мектеб акъалтларайдалай къулухъ сифте Дербентдин художественный школада, гуьгъуьнлай ДГПУ-дин художественно-графический факультетда чирвилер къачуна. 2011-2012-

йисара Элинади клелунар Москвадин "Останкинодин" патав гвай телевиденидин ва радиовещанидин институтда давамарна ва "Грим ягъунай суьретчи" пешекарвал къачуна.

Гъа и курсар акъалтларайдалай къулухъ алакьунар авай лезги руша вичин уьмуьр кинематографиядихъ ва телевиденидихъ галаз алакьалу авуна.

Вичин асул пешедай квалалахзавай йисара рангарин сирер чидай Элинади кинодин 25 суьретдин винел зегьмет члуьгуна. Кылди къачуртла, абурун арада "Крымдин тлатилар", "Къванцин клачичлуьхрин къанунар-2", "Рушар гъар жуьрединбуру жеда", "Мурк-2", "Пугъвал" ва масабур ава. Телевиденидикай ра-хайтла, бажарагълу руша "Къуьлер", "Ксудач", "Къуй лугъурай" ва маса программайрин винел квалалахна.

Суьретчи-гримёр тир Элина Къарахановади са гъечли девирда уьлкведин кинематографиядин ва телевиденидин алемда вичиз гуьрмет къазанмишна. И рекъе адаз, сифте нубатда, алакьунри, къастунал клевили, сабурди, дурумлувили ва маса ерийри куьмекна.

АПКиТ-дин премия къачун регъят крарикай туш. Анжах Элинадилай и кар алакьна. Гъалибчидиз оптикдин гуьзгудикай, къванцикай ва нур гудайвал цалцалмарнавай буьруьндикай раснавай кьве килограммдин заланвал авай статутка гана.

Лезги театрдин ва "Лезги газетдин" редакциядин коллективри Элина Къарахановадиз яратмишунрин рекъе къазанмишнавай чехи агалкъун риклин сидкъидай мубаракзава. Къуй чи бажарагълу рушахъ кинематографиядин ва телевиденидин алемда мадни еке куьлушар муьтлуьгардай мумкинвилер хуьрай!

Ж.З. Мутлагъиров

Мукьвара чав Санкт-Петербургдай рикл тардай хабар агакьна: 83 йисан яшда аваз машгуьр алим, философиядин илимрин доктор Жамал Зейнудинович Мутлагъиров рагьметдиз фена.

Ж.З.Мутлагъиров 1937-йисан 10-декабрдиз Къурагь райондин Ашахуьре дидедиз хъана. ДГУ-дин тарихдин факультет акъалтларайдалай къулухъ Ленинграддин госуниверситетдин (ЛГУ) тарихдин факультетда аспирантурадик экечина. 1962-йисуз илимрин кандидатвилдин диссертация хвена.

1964-йисуз жегьил алим Мутлагъиров ЛГУ-дин философиядин факультетдин ассистент яз тайнарна. Пуд йис арадай фейила чи ватангълидиз доцентдин тивар гана.


Гуьгъуьнлай кьисметди Жамал Мутлагъиров чехи уьлкведин а кьилиз акъудна: ада Дальневосточный университетда ва Камчаткадин педагогвилдин институтда клвалахна.

Вири и йисара бажарагълу жегьил пешекар илимдал машгуьл жезвай. 1973-йисуз ада жемиятдин яшайишдин къурулушдин месалайрай илимрин докторвилдин диссертация хвена. 1974-йисуз чи баркаллу ватангълидикай профессор хъана.

Уьлкведин кеферпатан меркездиз хтайла, Мутлагъиров, конкурсдин бинедаллаз, илимдин коммунизмдин кафедрадиз акъатна. Гъа чвалавай адан педагогвилдин ва илимдин рехъ философиядин факультетдихъ галаз алакьалу хъана.

ЛГУ-да квалалахзавай йисара чи баркаллу ватангъли Берлиндин, Будапештдин Лейпцигдин университетриз фена, къецепатан уьлквейрин вузрин студентриз лекцияр клелна. 1974-1976-йисара ам Кубада яшамаш хъана. Ина профессор Мутлагъирова Гаванский университетда ва муаллимар гъазурдай Милли центрада профессор-консультант яз клвалахна. Идалай гъейри, ам мукьвал-мукьвал Бразилиядиз, Аргентинадиз, Мексикадиз илимдин командировкайриз физвай.

1990-йисарин эвел килера философиядин факультетда илимдин коммунизмдин кафедра цийи хъувуна ва "Политология" хел арадал гъана. 2001-йисуз международный сиясатдин вакъайрин кафедра тешкилна ва ина профессор Мутлагъирова Латиндин Америкадиз талукь лекцияр клелна.



Лагъана кланда, ашахуьруьнви алим хъсандиз международный сиясатдин месалайрин гъавурда авай пешекар тир. Адаз РФ-дин Федерациядин Советдиз и рекъай эксперт яз теклифзавай.

Алимдин кьелемдикай цудралди монографияр, юридический вузар патал учебникар, вишералди илимдин макъалаяр хкатнава. Адан регьбервилек кваз илимдин 60 кандидатвилдин, 6 докторвилдин диссертацияр хвена.

Яргъал йисара илимдин хиле намуслувилелди зегьмет члуьгунай Жамал Зейнудинович Санкт-Петербургдай университетдин "Педагогвилдин устадивилей", философрин жемиятдин "Вторая навигация" премийри, "РФ-дин Высший школадин лайихлу къуллугъчи", "СССР-дин Высший школадин отличник", "Пешекарвилдин килин образованидин гуьрметлу къуллугъчи" тиварариз лайихлу хъана. Ам дибдин "Демократия как универсальная ценность" тивар ганвай квалаладин автор тир.

Дагъустан Республикадин Санкт-Петербургда авай Векилханадин пресскъуллугъдин регьбер Низамидин Къаинбегова къейд авурвал, уьлкведин кеферпатан меркезда авай лезгийри еке магърумвал гьисснава. Адан гафаралди, Жамал Зейнудинович дуьньядин дережадин алим тир, профессордиз гъамчи, гъамни къецепатан уьлквейрин алимрин арада еке гуьрмет ва кесер авай.

"Лезги газетдин" редакциядин коллективди Жамал Зейнудиновичан хизанриз, вири мукьва-къилийриз башсагълуьгвал гузва. Чехи алимдиз Аллагъди рагьметар, багърийрин риклериз сабур гурай.

Лезги хуьрекар Баклук

Нарима АГЪМЕДОВА

Баклук гъажибугъдадин гуьруьркай чранвай фу я. Ихътин фу неинки тямлу, гъакл гзаф хийирлуни я. Лезги дишегълийри чразвай фарин жуьреяр гьисабна куьтягъ жедач. Мисал яз, инал са бязибурун тиварар къан: шур алай фу, рекъуьн, тили фу, гъвар квай фу, базламач, шкар, чар авай фу, черекуьн, къатай фу, лаваш, гуьмбе, кли фу, хъран фу, тланур-



дин фу, члат, алуга, циклен, тланут, шуьре, акадин фу, гузан, баклук ва масабур.

Къе чна баклук гьикл газурдатла, гъам риклел хкида. Чаз герек къведа: са кьил чичек; къурурнавай як - 200 грамм; гъажибугъдадин гуьр - 500 грамм; нехуьн гуьр - 100 грамм; са кака; са клус гьерен тум; кьел ва истивут.

Чичекдин кьил михъна, куьлуь ийида. Ягълавдиз къве тлур члем вегьена, чичек хъсандиз чрана, тагъ ийида. Чрай чичекдик куьлуь авунавай гьерен тумни къурай як вегьена, тлимил цай авуна, мукьвал-мукьвал хуькуьриз, 10-15 декьикада чрада. Вири чрайла, ягълавдик квай цай хкудна, рекъидалди тада.

Гъажибугъдадин гуьруни нехуьркай регъвена гъазурнавай гуьр какадарна, сафунай яна, чранвай яклук вегьена. Са тупавай кьел, истивут, са истикан яд вегьена, тинидиз тларамдаказ гъуд гуда.

Бязибуру яд ваь, къатух кутуна тини ишинда. Тинидин винел са къадар вахтунда зегьмет члуьгуна клан жеда: хъсандиз гъуд гуз ишинайла, адакай чрай фу чкидач. Идалайни гъейри, кларцин куьмекдалди фан клалубдиз гъиз регъят жеда.

Пичина цай къати авуна, тини кларцел яваш-яваш акъалда, чиниз цлакулар яна, сачунал вегьена, чрада. Нуш хуьрай кьез!

Мердали ЖАЛИЛОВ

(Эвел 22-23-нумрайра)

“Коммунист” газетдин редакциядин кыле аваз, Имамудин Жамиевич Апаева лезги халкъдин милли журналистика, литература, культура, экономика, халкъарин дуствилин алакъяар мадни вилик тухун патал хейлин хъсан крарик кыл кутурди а члавуз адахъ галаз квалалахъ гзаф ксари риклел хкизва. Сифте нубатда, геле гъа члавуз сад-садавай къакъудиз алахънавай лезги халкъдин алакъяар атлун тавун патал лезги халкъдин векилар яшамыш жезвай вири республикайра, шегъерра чи газетдин подписка тешкилна, анра газетдин общественный постар кардик кутуна, чи журналистар командировкайриз физвай...

Лап сих алакъяар къунши Азербайжан Республикадин лезги районрихъ (Кцлар, Къуба, Хачмаз, маса районар) Баку, Сумгаит, Къазимегъамед, маса шегъеррихъ галаз тайинарна. Лезгийрин милли месэляяр гялуниз артух фикир гун анин члехи сагъибривай истимишна.

Азербайжан патай а члавуз чи газетдин редакциядихъ галаз са десте яратмишдай ксари алакъя хуьзвай. Забит Ризванов, Лез-

залан хирерикди фад рагъметдиз фена. 1972-йисан январдиз. Амма адан ирс чи газетда давам хъана.

Гъихътинди тир И.Ж.Апаеван девирда “Коммунист” газет? Чна виликдайни къейдна: “Коммунистдикий” чи халкъдин гъакъикъи къагъриманвиллин, зегъметкешвиллин, дуствилинни къанажагълувиллин руьгъ къалурзавай гуьзгъу, халкъ члехи гъунаррал ашкъиламишзавай къетлен къуват хъайиди адан подшивкайра, кылди-кылдин нумрайра къекъвейлани чир жезва.

“Коммунист” газет члехи форматдин 4 чин аваз (гилан чи газетдин 8 чин) гъафтеда пуд сеферда чапдай акъатзавай: арбе, жуьмя, гъяд йикъара. Гъар са нумра гъам туькълур хъунин, гъам мана-метлебдин, гъам шикилралди, гранкайралди, маса такъатралди безетмишунин (дизайндин) жигъетдай тафаватлу я. “Коммунист” газетда неинки фотожурналистри, гъакъ махсус чирвилер авай художникрини зегъмет члугуна. Гъавилейни газетдин акунар, клалубар клелзавайбурун фикир желбдайбуру хъана.

1962-йисан 1-нумра. Ам “Квез цийи йис мубаракрай, дустар!” лишандик кваз акъатнава. И чинин са пай, кылелай В.И.Ленинан члехи шикил алаз, “КПСС-дин Програма” ктаб инсанрин (абурук шахтерар, фляляр, лежберар, интеллигенциядин векилар ква)

СССР-дин Верховный Советдин Президиумдин, СССР-дин Министрин Советдин патай тебрикар чапнава.

Редакциядин макъаладай чаз неинки чи члехи улкъве, вири дуьнья политикадинни социальный, культурадинни экономикадин, амай рекъерайни агакънавай дережаяр, гъакъ чи республикада, кылди Къиблепатан Дагъустанда важиблур вуч месэляяр вилик кватла чир жезва.

Ингъе къейд: “Алатай йис чи республикадин зегъметчийри агалкъунралди куьтягъна... Вири продукция акъудунин йисан пландилай алава яз пуд миллион (гилан миллиардар – М.Ж.) манатдин кьимет авай продукция гана. Кеферпатан Кавказда члехибурукай сад тир Чирюртдин ГЭС кардик кутун патал вахканва...”

Макъалада члехи агалкъунар аваз йис куьтягънавайбурукай Дербент шегъердин карханайрин, Дагъустандин Огни заводдин тиварар къунва.

Цийи йисуз кылиз акъудун герекбурук республикадин промышленностдин члехи карханаяр - Махачкъалада Дагэлектромаш завод, Къизляр районада Дагэлектромаш завод, Избербашда - электротермический тадаракрин завод, Тарумовка хуьре - Дагэлектроаппарат завод ва маса заводар квайди къалурнава.

Милли журналистика: “Коммунист”



ги Нямет, Келентар Келентарли, Шакир Наврузбеков, Иззет Шерифов, Намеддин Мирзаев, Мегъамед Агъа, Ямудин Шейдаев, Саади Саадиев ва маса авторар гъа жергедай я.

Лезгийрин тлал алай месэлайриз фикир гун артухарунин мураддалди, Азербайжандин Хачмаз, Кцлар районриз чеб феи дуьшуьрикай К.Л.Азизханова хъсандиз риклел хкизва. (Килиг: “ЛГ”-дин 2000-йисан махсус ктабдин 46-47-чинар).

И.Ж.Апаеван къайгъударвал сеbeb яз, сифте яз лезгийрин члехи классик Етим Эминан шикил арадал хкайдини (художник - Абид Азизов) къейд авун кутугнава. Ихътин къайгъударвиллин рекъе авай кас дяведин

кылел хкажнавай жегъил дагъвидин шикилди къунва. Кланкай 1962 рекъемар ала. Чинин агъа кыл гълера “Бахтлувал, Стхавал, Барабарвал, Азадвал, Зегъмет, Ислягъвал” гафар хкъенвай члехи лент-пайдах тухузвай инсанрин сих жергедин шикилди къунва. Санлай им художественно-графический члехи шикил - агитплакат я. Адан метлебди неинки “Коммунист” газетдин руьгъ, къамат гъихътинди ятла, гъакъ гъа девирдин къаматни хъсандиз лишанламишзава. (Шикилдин автор - художник Абид Азизов, газетдин къуллугъчи).

И шикилрин юкъва “Цийи йисуз цийи агалкъунрихъ” редакциядин макъала, патавай советрин халкъдиз КПСС-дин ЦК-дин,

Цийи йисуз чина гъакъ нефтдин, газдин, хуьруьн майишатдин ва маса хилерани лап члехи везифаяр вилик эцигнавайди къейднава.

Эхъ, улкъведи, санлай вири обществоди, а вахтунин кылин Програма гъиле къунвай, инсанрихъ ам кылиз акъудиз жедайвилхъ инанмишвални авай. И инанмишвал артухарзавай къуват печать, журналистикадин гъахълу гаф тирдал шак алач.

Газетдин къвед ва пуд лагъай чинар “Цийи йис зегъметдин цийи гъалибвилералди лишанламишда чна!” рубрикадик кваз ганвай материалри къунва. Абурук КПСС-дин Дагъустандин обкомдин, халкъдин майишатдин Советдин, ДАССР-дин Министрин Со-

ветдин патай Чирюртдин ГЭС вахтундилай вилик эцигна куьтягънавай “Сулакгестройдин” эцигунрин управленидин коллективдиз рекъе тунвай тебрик, цийи йисан везифайрин гъакъиндай писатель Къияс Межидован, “Дуствал” альманахдин кылин редактор Рашид Рашидован фикирар, Дагъустандин литература вилик финин рекъерикай къейдер ганва. Ина гъакъ партиядин Мегъарамдухъруьн райкомдин секретарь М.Букарова район вилик финикай ийизвай фикирар, Ахцегърин райбольницадай хирург А.Шефиева хкъенвай чар, Агъл, Къурагъ, Хив, Ахцегъ, Рутул районрин зегъметчийрин чарар ва маса материалар ава. Акъазвайвал, а члавуз чи газетди Рутул, Агъл, Табасаран районризни къуллугъзавай, яни чун сад тир.

И чина гъакъ а члаван жегъил шаирар тир Такъидин Гъажимурадован, Нариман Къарибован, Мердали Жалилован цийи йис тебрикзавай шаирарни чапнава. Акъазва хъи, “Дагъустандин правда” газетдин дубляждив гекъигайла, гила акъатзавайди акъалтлай маса газет я. Ана чи милли члал, руьгъ, уьмуьр, чи халкъдин эрзиман мурадари майилар ава. Гълбетда, политикадинни идеологиядин, маса миллетрин, улкъвейрин гъакъиндайни материалар гун давамарнава.

И нумрадин 4-чин къецепатан улкъвейрай (социализмдин ва капитализмдин) ганвай хабарри, чи республикадин Къизилюрт ва маса районрай материалри къунва.

И нумрадай чаз и члаван чи газетдин махсус корреспондентрин - А.Баламирзоеван, А.Гъажиеван, А.Шихрагъимован, М.Шайдаеван тиварарни чир жезва. Месэлайрин гъавурда аваз хкъенвай куьруь материалри зегъметчи инсанрин ашкъи-гъевес хъсандиз къалурзава. Кылин фикир абурун агалкъунрал (рекъемрал) желбнава. Ида газетдин редакциядиз уstad журналистрин хъсан десте атанвайдан гъакъиндай шагъидвалзава.

Газетда, винидихъни лагъанвайвал, лап гзаф шикилар (лежберрин, чубанрин, техникрин, багъманчийрин) гъатнава. И карди газетдал маса ранг, руьгъ, чан гъанвайдал шак алач.

Газетдин 2-нумрадин сад лагъай чин Къурагъ райондин Къепиррин гамар храдай устлар Ф.Фармановадин члехи суьретди гуьрчегарнава. И чина гъакъ Хив, Ахцегъ, Къасумхуьруьн районрай хабарарни гъатнава.

Члехи пай СССР-дин Министрин Советдин Председатель Н.С.Хрущева Австриядин профессор Ганс Тирринган суалриз ганвай жавабри къунва. Яни переводдин материалри, виликрай хъиз, гилани газетдин еке майдан къунва. Ятлани милли тереф, хайи члалан девлет, инсанрин къайгъуяр, дердияр ачухзавай материалар виликандалай хейлин гзаф хъанва. Яни гиланди лезги газет тирди чир жезва!

Нумрадин къвед ва пуд лагъай чинар ганвай члехи пай материалар Дагъустандин жуьреба-жуьре районра кыле физвай вакъийариз талукъ я.

Кылин фикир Чирюртдин ГЭС-дал эцигунарадайбуруз ганва. Газетдин 2-чин тамамвилелди анай ганвай шикилри ва репортажри къунва. Им бес чаз виридаз лап герек ва важиблур тежриба тушни?

Лагъана кланда, “Коммунист” газет кыляй-кылизи агалкъунринни тарифринди тушир. Адан саки гъар са нумрада уьмуьрда гъалтзавай кимивилер, яб тагунар, къайгъусузвилер къалурзавай чарарни хейлин чапзавай.

И нумрадани жуьреба-жуьре районрай (Ахцегъ, Хасавюрт, Къасумхуьруьн, Къурагъ) атанвай чарари еке чка къунва. “Техникади-кай тамамвилелди менфят къачун ва ам саламатдиз хуьн”, “Хпехъанриз”, “Культурадин шартлар яратмишнавач”, “Чал почтар агакъзавач”, “Руководство дегиш жезва, квалалахъ ваъ”... Макъалайрин и ва маса кыилери газетдихъ авай женгивилин руьгъ раижзава.

“Руководство дегиш жезва, квалалахъ ваъ” макъала (автор - хуси корр. А.Тагъиров) Къурагъ районада алишверидинни общественный тлуьнрин идарайра давам жезвай члуру гъалариз талукъарнава. Гзаф эксиквилер ва жавабдар ксарин тиварар раижнава. Ахътин материалрихъ нетижаярни хъайидал шак алач...



Писателрин са десте

(КъатIама)

Муаллимриз куьмек яз



К. КЪАЛАЖУХВИ

Алай девирдин мектебра адетдин бур тушир тарсар тухудай адетни дебда гьатнава. Ахьтин бур тарс-къуьгъун, тарс-гъуьжет, тарс-конференция, тарс-сиягъат ва масабур акатзава. Хайи члалан тарсара менфят къачудай жуьреба-жуьре материалар алай вахтунда муаллимриз интернетдай са акъван жагъизвач. Технологиядин тадаракарай, интерактивный доскадай, жуьреба-жуьре къуьгъунрикай, килигдай пособирикай, тестерин къвалахдикай менфят къачузвай тарсари, шак алачиз, аялрин рикле аламукъунин зигъин хци ийизва. Гьа са вахтунда алатай тарсара къачур чирвилер умумиламишдай, тикрар ва мягъкемар хъийидай мумкинвални жеда. Агъадихъ чна 7-классда лезги члалан тарсуна тухуз жедай адетдинди тушир тарсунин (тарс-гъуьжет) тамам план куь фикирдиз гъизва.

Лезги члалан тарс-гъуьжет

“Чал акъулдин булах я, акъул - члалан дамах”



ТАРСУНИН МАКЪСАДАР:

- Лексика, орфография, синтаксис, пунктуация, морфология, морфемика, гафар ара-диз атун, фонетика хилерай-илимрай авай чирвилер ахтармишун ва умумиламишун.
- Аялрин члал гегеншарун.
- Чирвилер къачудай гъевес артухарун.

ТАДАРАКАР:

- Доска.
- Интерактивный доска.
- Компьютер.
- Мел.
- Пек.
- Къелемар.
- Чарар.
- Дестейрин тварар кхъенвай чарар.
- Таблицаар.

ТАРСУНИН ФИНИФ

Тешкилуни макъам. Муаллимдин гаф.
- Салам-алейкум, аялар! Лезги халкъдихъ ихътин са мисал ава: “Чал акъулдин булах я, акъул - члалан дамах”. Им вичик дерин метлеб чуьнуьх хъанвай мисал я. Къе чна хайи члалай квехъ авай чирвилер ахтармишда.
Къенин чи тарс адетдинди жедач. “Чал акъулдин булах я, акъул - члалан дамах” лишандик кваз гъуьжетдин жуьреда тухудай тарсуни квез лексикадай, орфографиядай, синтаксисдай, морфологиядай ва маса хилерай авай чирвилер ахтармишдай ва мягъкемар хъийидай мумкинвал гуда.
Исятда за куьн къве дестедиз пайда. Къенин тарсуна куь вилик тамамарна клани, жавабар гана клани са шумуд тапшуругъ акъвазда. Тарсунин-гъуьжетдин эхирдай чна бал-

лрин къадарриз килигна, нетижаяр къада. Гаф баллар къазанмишай десте гъалибчи яз малумарда. Гъазур яни куьн? Акъ ятла, башламишда чна.

Исятда зи суалдиз гъи дестеди дуьз жаваб гайитла, гъа дестедиз 3 баллни жеда, эгечини гъадалай ийида.

Суал: **Бейгъал гафунин префикс вуч я? (-бей).**

I-ТАПШУРУГЪ. Агъадихъ ганвай гафариз антонимар жагъура. (Фад тамамарай дестедиз - 5 балл).

- Къулухъ -
- Фад -
- Атун -
- Гуьне -
- Хъсан -
- Гъвечли -

II-ТАПШУРУГЪ. Исятда гъар дестеди нубатралди къуд суалдиз жавабар гана кланда. (Гъар дуьз жавабдай - 2 балл).

1-десте

1. Я маналу, я къуллугъчи члалан паярик акат тийизвай члалан пай гъим я? (**междометие**).
2. Акун, акхун, пугъун, тефин - ибурукъ инфикс квай гаф гъим я? (**акхун**).
3. Къван, цувад, аслан, лайхлу, ачухдаказ - и гафарикай числительное гъим я? (**цувад**).
4. Секинвилин падежар шумуд ава? (**вад**).

2-десте

1. “Зайиф” гаф гъи члалан паюник акатзава? (**прилагательное**).

2. **Клелайтла, клепа, клепадан?** - ибурукъ буйругъдин наклоненида авай глагол гъим я? (**клепа**).

3. “Къурухчи” гафунин суффикс вуч я? (**-чи**).

4. **Клусар гъихътин члалан пай я? (къуллугъчи).**

III-ТАПШУРУГЪ. Агъадихъ ганвай тварар алфавитдин къайдада кхъихъ. (Фад тамамарай дестедиз - 5 балл).

Талиб, Муса, Аслан, Камалдин, Гъажи, Алибег, Шалбуз, Абирза.

(Жаваб: Алибег, Абирза, Аслан, Гъажи, Камалдин, Муса, Талиб, Шалбуз).

IV-ТАПШУРУГЪ. Прилагательнирикай жуьреба-жуьре суффиксрин куьмекдалди наречияр арадиз гъваш. (Гъар са гафунай - 3 балл).

1-десте

Хъсан - ... (**хъсандиз**).
Иер - ... (**иердиз**).
Мекъи - ... (**мекъила**).

2-десте

Кичле - ... (**кичлепа**).
Маса - ... (**масакла**).
Ачух - ... (**ачухдиз**).

V-ТАПШУРУГЪ. Агъадихъ ганвай къуд гафунай морфемаяр дуьздаказ чара авуна, абурукъ арадал къевезвай гаф тайинара. (Жаваб тайинарай дестедиз - 5 балл).

- **Бейхабар** гафунай - префикс.
- **Карчи** гафунай - дувул.
- **Хушвал** гафунай - суффикс.
- **Квал** гафунай - эхир.

(Жаваб: бейкарвал).

VI-ТАПШУРУГЪ. Дуьз речъ квай предложенийра талукъ тир пунктуациядин лишанар эциг. (Гъар са предложенидай - 4 балл).

1-десте

- Тарсар хъсандиз клепа лагъана муаллимди.
- Дустуни завай жузуна Вуна къе вуч къимет къачуна?

2-десте

- Алиди завай хабар къуна Чун пака чуьлдиз фидани?
- Мектебдиз вахтунда вач лагъана бувади.

VII-ТАПШУРУГЪ. Тестерин жавабар гун. Ругуд суалдиз жавабар жагъурна, чарчел кхъихъ. (Гъар дуьз жавабдай - 2 балл).

1. Междометие квай предложение къалура.

- а) Багъ мукъув гвай.
- б) Пагъ, гъава хъсан я хъи!
- в) Заз ам таниш кас я.
- г) Ам мад заз ажхунач хъи, ажхунач.

2. Къуллугъчи члалан паяр шумуд ава?
а) 3.
б) 4.
в) 10.
г) 6.

3. Существительнир падежриз дегиш хъунин шумуд жуьре ава?

- а) 2.
- б) 3.
- в) 4.
- г) 5.

4. Лезги члалан алфавитда шумуд гъарф ава?

- а) 33
- б) 48
- в) 45
- г) 38

5. Существительнир падежриз дегиш хъунин са шумуд жуьре ава. Теквилин къадардин актив падежда **-ади, -еди** эхирар акал жезвай существительнир гъи жуьредик акатзава?

- А) 1.
- Б) 2.
- В) 3.
- Г) 4.

6. Агъадихъ галай гафарин жуьтерикай антонимрин жуьт гъим я?

- А) Виклегъ - зирек.
- Б) Къвал - къвал.
- В) Фин - тефин.
- Г) Гъам - хажалат.

VIII-ТАПШУРУГЪ. Агъадихъ ганвай таблица гъи дестедивай фад гафарив ацъуриз жеда? (Фад тамамарай командадиз - 5 балл).

	У			
	У		А	
		А		
	Е		Е	
	И		Е	

IX-ТАПШУРУГЪ. Какадарнавай гъижаяр лазим чкайрал эхцигайтла, гафар-существительнир арадал къведа. (Фад тамамарай дестедиз - 6 балл).

- Валметлугъуьр.
- Ватфата.
- Биаттле.
- Матмалу.

X-ТАПШУРУГЪ. Кроссворд ацъура. (Гъар са дуьз гафунай - 3 балл).

	1	2		3		4
5						
		6				
				7		
8						

ДУЪЗ ЦАРАРА: 1. Гафунин са пай. 5. Вичихъ мана авай сесерин къватлал. 6. Сад-садахъ галаз сих алакъада авай къвед ва я са шумуд гаф. 8. Члала авай вири гафар.

ТИК ЦАРАРА: 2. Дувулдин юкъва гъатдай гафунин маналу пай (морфема). 3. “Къакъан” гафунин антоним. 4. Къуллугъчи члалан паярикай сад. 5. Маналу члалан паярикай сад. 7. “Там” гафунин синоним.

ЖАВАБАР:
ДУЪЗ ЦАРАРА: 1. Гъижя. 5. Гаф. 6. Иба-ра. 8. Лексика.
ТИК ЦАРАРА: 2. Инфикс. 3. Асклан. 4. Клусар. 5. Глагол. 7. Рук.

ТАРСУНИН НЕТИЖАЯР

Муаллимди тарсунин нетижаяр къада, гъалиб хъайи десте малумарда. Гъевес зайиф тахъурай пугъуз, гъуьгъуьна амукъай дестедин алакъунрикайни куьрелди ихтилатда.

понеделник, 15 июня

РГВК
06.50 «Заряжайся!» 0+
07.00 Время новостей Дагестана. Итоги
08.05 «Заряжайся!» 0+
08.15 «Здравствуй, мир!» 0+
08.50 «Заряжайся!» 0+
08.55 Д/с «Исчезновения»
09.25 Х/ф «Мы и наши горы»
11.10 «Служа Родине» 12+

ПЕРВЫЙ
5.00 Доброе утро. (12+).
9.00 Новости. (16+).
9.25 Доброе утро. (12+).
9.55 Модный приговор.
10.55 Жить здорово! (16+).

РОССИЯ 1
09:00 Канал национального вещания «Алшан» (на цахурском языке)
14.30, 21.05 Вести-Дагестан
5.00 Утро России.
9.30 Утро России.

НТВ
5.10 Т/с «Москва. Три вокзала». (16+).
6.00 Утро. Самое лучшее.
8.00 Сегодня.
8.25 Т/с «Мухтар. Новый след». (16+).

ДОМАШНИЙ
6.30 6 кадров. (16+).
6.40 По делам несовершеннолетних. (16+).
8.45 Давай разведемся.
9.50 Тест на отцовство. (16+).

ТВ-ЦЕНТР
6.00 Настроение.
8.15 Ералаш.
8.25 Х/ф «Одиссея капитана Блада». (12+).

ЗВЕЗДА
6.10 Не факт!
6.40, 8.15 Х/ф «Днепровский рубеж». (12+).
8.00 Новости дня.
9.50, 10.05, 13.15 Т/с «Снайпер 2. Тунгус».

вторник, 16 июня

РГВК
06.50 «Заряжайся!» 0+
07.00, 08.30, 12.30 Время новостей Дагестана
07.20 Передача на табасаранском языке «Мил»
08.00 «Заряжайся!» 0+
08.05 Мультфильм 0+
08.50 «Заряжайся!» 0+
08.55 Д/с «Исчезновения»
09.25 Х/ф «Римские каникулы» 12+

ПЕРВЫЙ
5.00 Доброе утро. (12+).
9.00 Новости. (16+).
9.25 Доброе утро. (12+).
9.55 Модный приговор.
10.55 Жить здорово! (16+).

РОССИЯ 1
09:00 Канал национального вещания «Рубас» (на табасаранском языке)
14.30, 21.05 Вести-Дагестан
5.00 Утро России.
9.30 Утро России.

НТВ
5.10 Т/с «Москва. Три вокзала». (16+).
6.00 Утро. Самое лучшее.
8.00 Сегодня.
8.25 Т/с «Мухтар. Новый след». (16+).

ДОМАШНИЙ
6.30 6 кадров. (16+).
7.10 По делам несовершеннолетних. (16+).
9.15 Давай разведемся. (16+)
10.20 Тест на отцовство.
12.25 Д/ф «Реальная мистика». (16+).

ТВ-ЦЕНТР
6.00 Настроение.
8.10 Х/ф «12 стульев».
11.30 События.
11.50 Т/с «Она написала убийство». (США). (12+).

ЗВЕЗДА
6.40 Х/ф «Приказано взять живым».
8.00 Новости дня.
8.15 Х/ф «Приказано взять живым».

среда, 17 июня

РГВК
06.50 «Заряжайся!» 0+
07.00, 08.30, 12.30 Время новостей Дагестана
07.20 Передача на лакском языке «Аьрши ва агьлу»
08.00 «Заряжайся!» 0+
08.05 Мультфильм 0+
08.50 «Заряжайся!» 0+
08.55 Д/с «Исчезновения»
09.25 Х/ф «Мятеж на Баунти» 12+

ПЕРВЫЙ
5.00 Доброе утро. (12+).
9.00 Новости. (16+).
9.25 Доброе утро. (12+).
9.55 Модный приговор.
10.55 Жить здорово! (16+).

РОССИЯ 1
09:00 Канал национального вещания «Лалаан» (на ругульском языке)
14.30, 21.05 Вести-Дагестан
5.00 Утро России.
9.30 Утро России.

НТВ
5.10 Т/с «Москва. Три вокзала». (16+).
6.00 Утро. Самое лучшее.
8.00 Сегодня.
8.25 Т/с «Мухтар. Новый след». (16+).

ДОМАШНИЙ
6.30 6 кадров. (16+).
6.50 По делам несовершеннолетних. (16+).
8.55 Давай разведемся.
10.05 Тест на отцовство.
12.05 Д/ф «Реальная мистика». (16+).

ТВ-ЦЕНТР
6.00 Настроение.
8.15 Доктор И... (16+).
8.45 Х/ф «Будни уголовного розыска». (12+).

ЗВЕЗДА
6.35 Х/ф «Сицилианская защита».
8.00 Новости дня.
8.15 Х/ф «Сицилианская защита».

четверг, 18 июня

РГВК
06.50 «Заряжайся!» 0+
07.00, 08.30, 12.30 Время новостей Дагестана
07.20 Передача на даргинском языке 12+
08.00 «Заряжайся!» 0+
08.05 Мультфильм 0+
08.50 «Заряжайся!» 0+
08.55 Д/с «Исчезновения»
09.25 Х/ф «Черный тюльпан» 12+

ПЕРВЫЙ
5.00 Доброе утро. (12+).
9.00 Новости. (16+).
9.25 Доброе утро. (12+).
9.55 Модный приговор.
10.55 Жить здорово! (16+).

РОССИЯ 1
09:00 Канал национального вещания «Гюлистан» (на азербайджанском языке)
14.30, 21.05 Вести-Дагестан
5.00 Утро России.
9.30 Утро России.

НТВ
5.10 Т/с «Москва. Три вокзала». (16+).
6.00 Утро. Самое лучшее.
8.00 Сегодня.
8.25 Т/с «Мухтар. Новый след». (16+).

ДОМАШНИЙ
6.30 6 кадров. (16+).
6.40 По делам несовершеннолетних. (16+).
8.45 Давай разведемся.
9.50 Тест на отцовство. (16+).

ТВ-ЦЕНТР
6.00 Настроение.
8.10 Доктор И... (16+).
8.40 Детектив «Инспектор уголовного розыска».

ЗВЕЗДА
6.45 Х/ф «Большая семья».
8.00 Новости дня.
8.15 Х/ф «Большая семья».

пятница, 19 июня

РГВК
06.45 «Заряжайся!» 0+
07.00,08.30,12.30 Время новостей Дагестана
07.20 Передача на аварском языке 12+

ПЕРВЫЙ
5.00 Доброе утро. (12+).
9.00 Новости. (16+).
9.25 Доброе утро. (12+).

РОССИЯ 1
09:00 Канал национального вещания «Магудере» (на агульском языке)
14.30, 21.05 Вести-Дагестан

НТВ
4.55 Их нравы.
5.10 Т/с «Москва. Три вокзала». (16+).

суббота, 20 июня

РГВК
07.00,08.30,16.30 Время новостей Дагестана
07.20 Передача на кумыкском языке 12+

ПЕРВЫЙ
6.00 Доброе утро. Суббота. (12+).

РОССИЯ 1
5.00 Утро России. Суббота.
8.00 Вести. Местное время.

НТВ
5.25 ЧП. Расследование.
5.50 Х/ф «Простые вещи».

воскресенье, 21 июня

РГВК
07.00,08.30 Время новостей Дагестана
07.20 Передача на лезгинском языке «Вахтар ва инсанар» 12+

ПЕРВЫЙ
5.50 Х/ф «Улица полна неожиданностей».

РОССИЯ 1
4.30 Х/ф «Превратности судьбы». (12+).

НТВ
6.00 Центральное телевидение. (16+).

КУЛЬТУРА 15 ПО 21 ИЮНЯ

ПОНЕДЕЛЬНИК
6.30 Письма из провинции.
7.00 Легенды мирового кино.

СРЕДА
6.30 Письма из провинции. Пенчоры
7.00 Легенды мирового кино.

ЧЕТВЕРГ
6.30 Письма из провинции. Пенчоры
7.00 Легенды мирового кино.

ПЯТНИЦА
6.30 Письма из провинции.
7.00 Легенды мирового кино. Р.Плпгт.

РАДИО

ПОНЕДЕЛЬНИК
11.10. Вести «Дагестан»
11.30. Радиотамаша

ПОНЕДЕЛЬНИК

11.10. Вести «Дагестан»
11.30. «Актуально».

ПОНЕДЕЛЬНИК

11.10. Вести «Дагестан»
11.30. Встречи в студии.

ПОНЕДЕЛЬНИК

11.10. Вести «Дагестан»
11.30. «Актуально».

Программа гъзаурайди - Н.ВЕЛИБЕГОВА

